

### III. OUTRAS DISPOSICIÓN

#### CONSELLERÍA DE CULTURA, EDUCACIÓN E ORDENACIÓN UNIVERSITARIA

*ORDE do 21 de setembro de 2018 pola que se modifica a oferta de ensinanzas básicas iniciais e ensinanzas de educación secundaria para persoas adultas.*

A Orde do 11 de xuño de 2010, da Consellería de Cultura, Educación e Ordenación Universitaria, autorizou as ensinanzas para persoas adultas nas modalidades presencial e a distancia en centros específicos de educación e promoción de adultos e institutos de educación secundaria dependentes desta consellería.

Analizadas as necesidades educativas xurdidas e a oferta de modalidades en funcionamento, resulta aconsellable modificar esta oferta, coa finalidade de adaptala á demanda do alumnado de ensinanzas básicas iniciais e de educación secundaria para persoas adultas.

Por todo canto antecede, e tendo en conta o informe favorable da Dirección Xeral de Educación, Formación Profesional e Innovación Educativa, por proposta da Dirección Xeral de Centros e Recursos Humanos,

#### DISPOÑO:

Artigo único. *Supresión de ensinanzas*

Suprimir a oferta de ensinanzas básicas iniciais e ensinanzas de educación secundaria para persoas adultas, modalidade presencial, no Instituto de Educación Secundaria (IES) Lucus Augusti de Lugo, código de centro 27006531, a partir do curso 2018/19.

Disposición derradeira primeira. *Desenvolvemento normativo*

Autorízase á Dirección Xeral de Centros e Recursos Humanos e á Dirección Xeral de Educación, Formación Profesional e Innovación Educativa para adoptar todos os actos e medidas necesarias para a aplicación desta orde.

Disposición derradeira segunda. *Entrada en vigor*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 21 de setembro de 2018

Román Rodríguez González  
Conselleiro de Cultura, Educación e Ordenación Universitaria

